

deò preparanda sunt corpora subtiliter, ut sulphur eorum, & argentum vivum ex ipsis habere possimus, qualia fuerunt illa, ex quibus aurum & argentum sub terra efficiebantur, &c.
 Das ist: Wer ihme vornimmt die weisse Tinctur zu machen/der findet den weissen Sulphur im Silber/ den rothen aber im Golde: vñ weil dergleichen Sulphur nirgend vber oder auff der Erden gefunden wirdt/ als allein in den beyden corporibus, (Golds vnd Silbers) so muß man dieselbe Corpora künstlich bereiten vnd subtil machen/damit man auß ihnen gehaben möge/ einen solchen Schwefel vnd Quecksilber/wie die gewesen seind/darauff das Gold vnd Silber vnder der Erden worden vnd gewachsen seind.

C A P U T V I I I.

Derweil aber die *corpora perfecta* abermalen zweyerley seind/nemblich Sol vnd Luna/ So ist nun ferner die frag/ auß welchem vnder diesen beyden die vhralte Philosophi dann fürnemlich den Lapidem gemacht haben? Hierauff respondieret Basilius in offterwehntem seinem Summarischen Tractat. fol. 18. also: Merck mit fleiß auff meine rede/ daß die Geister in den Metallen verborgen/ vngleich seind/ einer flüchtiger vnd beständiger als der ander/wie auch ihre Seelen vnd Leiber vngleich seind/ vnd welches Metall die Gaben aller dreyer fixigkeiten bey einander hat/ dem ist die

die